

國

朝

列

卿

紀

國朝列卿紀卷之一百二十三

總督宣大軍務

宣府大同俱古冀州之地二面臨邊逼近北虜最號要害入

國朝以來建設衛所墩堡以藩屏京師永樂犁庭士休烽息正統元年值虜勢日強邊事漸興始遣涿州李儀以都御史撫宣大於是有所巡撫之任及已巳之變也先滋橫疆場多事歷景泰二
年以後宣大各設巡撫始遣尚書臨漳石璞總督宣大軍務歷
成化弘治正德間有警則置事寧則止至嘉靖十年始定設相
沿至今凡以扼重鎮嚴防守攘外而衛內也然北虜以搶掠為
業往來蹂躪歲無虛日而戍卒單弱歲餉多不給可因循時月

不曠然遠念者耶今詳官宦履於後其行實見於事紀其勳德
茂著者表爲列傳

國朝列卿紀卷之一百二十三

勅使宣天尚書

魏源

江西建昌縣人永樂丙戌進士正統二年以刑部尚書督察諸將邊防邊隘便宜從事詳刑部

鄭辰

浙江西安人永樂丙戌進士正統四年以兵部左侍郎轉餉宣大

叢蘭

山東文登人弘治庚戌進士正德八年以戶部右侍郎巡視西路諸關兼督宣大軍餉

總督宣大尚書侍郎都御史年表

石璞

河南臨漳人景泰二年以工部尚書兼大理寺卿總督宣大軍務本年以功加太子太保

王越

直隸滄縣人進士成化十七年以威寧伯兼左都御史鎮宣府尋鎮大同

涂子俊

四川青神人進士成化十八年以戶部尚書總督宣大軍務禦北虜亦思馬二十二年改兵部尚書

劉大夏

湖廣華容人進士弘治十年以戶部左侍郎兼都察院右台都御史總督宣大軍餉十一年養病

李大介

山東高密人進士弘治十一年以兵部左侍郎兼都察院左僉都御史總制宣大軍務十三年卒於官

許進

河南靈寶人進士弘治十三年以戶部左侍郎兼僉都御史提督宣大軍務本年致仕

史琳

浙江餘姚人進士弘治十四年以右都御史提督軍務十五年還院十八年再出總督本年還院卒於官

閻仲宇

陝西龍州人進士弘治十七年以兵部右侍郎兼僉都御史總督宣大軍餉

劉宇

河南鈞州人進士弘治十八年以右都御史提督宣大軍務正德二年回院

王儼

湖廣華容人進士弘治十八年以戶部左侍郎兼僉都御史督理宣大軍餉正德元年致仕

文貴

湖廣湘鄉人遠東廣寧左屯衛籍進士正德三年以兵部左侍郎兼左僉都提督宣大軍務本年開任

叢蘭

山東文登人進士正德八年以戶部右侍郎兼僉都總宣大軍餉九年陞右都御史總制宣大軍務

陳天祥

直隸吳江人進士正德九年以都察院左僉都御史提督經理進左副都御史本年還院詳都察院

侯觀

直隸雄縣人進士正德九年以戶部右侍郎兼僉都御史總督宣大軍務十一年回部

楊

潭

直隸新城人進士正德十年以戶部左侍郎兼

丁

鳳

直隸蠡縣人進士正德十二年以兵部右侍郎兼

鄭

宗仁

直隸任丘人進士正德十二年以戶部右侍郎兼

馮

清

順天宛平人進士正德十三年以兵部左侍郎兼

孟

鳳

山東曲阜人進士正德十六年以刑部右侍郎兼

劉

源清

山東東平人進士嘉靖十年以兵部侍郎兼都察院

張

瓚

直隸滄州人弘治乙丑進士嘉靖十三年以兵部左

周

叙

湖廣武昌人正德辛未進士嘉靖十五年以兵部左

樊

繼祖

山東鄆城人正德辛未進士嘉靖二十年以兵部尚

趙

廷瑞

直隸開州人正德辛巳進士嘉靖二十一年以戶部右侍郎兼

羅正德

山東武定人直隸撫寧人正德戊辰進士嘉靖七年任寧夏總督二十二年以兵部左侍郎兼都察院右僉都御史

院左副都御史仍前任二十四年請度

翁萬達

兵部左侍郎兼僉都御史總督宣大軍務

郭宗臯

山東福山人嘉靖己丑進士二十八年以兵部左侍郎兼都察院左僉都御史總督宣大軍務二十九年下獄謫

兵部尚書

蘇祐

祐

山東濮州人嘉靖丙戌進士二十九年以兵部左侍郎兼僉都御史總督宣大軍務三十一年以軍功陞右都御史

三十二年陞兵部尚書兼都察院左僉都御史俱仍舊任三十三年致仕下獄為民

許論

河南靈寶人嘉靖丙戌進士三十三年以兵部左侍郎兼僉都總督宣大軍務本年以功陞右都御史

江東

山東朝城人嘉靖己丑進士三十五年以兵部右侍郎兼僉都御史總督宣大軍務

楊頤

頤

山東德州衛人嘉靖辛丑進士三十六年以兵部左侍郎兼都察院右僉都御史總督宣大軍務三十七年下獄謫戍

楊博

山西蒲州人嘉靖己丑進士三十七年以太子太保兵部尚書總督宣大軍務

閔敷

直隸任丘人嘉靖乙未進士三十七年以兵部右侍郎兼都御史總督宣大邊防

張松

河南洛陽人嘉靖庚戌進士三十八年以都察院左都御史總督三十九年總調

葛縉

山東昌邑人嘉靖乙未進士三十九年以都察院右都御史總督

李文進

四川巴縣人嘉靖乙未進士三十九年以都察院右副都御史總督四十年加兵部右侍郎兼都察院右僉都御史仍前任四十

一年卒於官

江東

詳前嘉靖四十一年以太子少保兵部尚書兼右副都御史總督尋加大子太保四十四年卒於官

趙炳然

四川劍州人嘉靖乙未進士四十四年以兵部尚書兼右僉都御史總督

汪之誥

湖廣石首人嘉靖甲辰進士四十五年以兵部左侍郎兼僉都御史督以軍功加右都御史元年回籍

陳其學

山東登州衛人嘉靖甲辰進士隆慶元年以右都御史兼兵部右侍郎任

王崇吉

山西蒲州人嘉靖辛丑進士隆慶四年以右都御史兼兵部右侍郎任加太子太保兵部尚書兼右副都御史

方逢時

湖廣嘉魚人嘉靖辛丑進士

吳從允

浙江山陰人嘉靖己未進士萬曆五年以兵部右侍郎兼右僉都任七年回部

鄭 洛

直隸安肅人嘉靖丙辰進士萬曆七年以兵部左侍郎兼右僉都任十年加右都御史十一年陞兵部尚書仍任十

五年加太子太保十七年協理政

蕭文壽

山東泰安籍江西吉水人嘉靖壬戌進士萬曆十七年以右都御史兼兵部右侍郎總督宣大山西兼理糧餉

勅使宣大尚書行實

魏源字文淵江西建昌縣人永樂丙戌進士正統二年以刑部尚書督察諸將謹防邊隘便宜從事劾指揮杜衡等誣訕謫戍衆始憚不敢肆自天城抵朔州增守險要修開平龍門城自獨石抵宣府增置墩墩軍士依權勢避役者搜括歸伍詳刑部

鄭辰字文樞浙江西安人正統四年以兵部左侍郎轉餉大同而鎮守都督譚廣不聽劾奏之事以辦集詳兵部

叢蘭見總制正德八年以戶部右侍郎巡視西路諸關兼督宣大軍餉

總督宣大尚書侍郎都御史行實

石璞字仲玉河南臨漳縣人永樂庚子鄉貢授御史正統十年任山西左布政十一年進工部尚書景泰二年北虜寇獨石以工部尚書兼大理寺卿總督宣大軍務璞充餉勤兵修垣守險景皇帝賜璽書曰爾忠勤善謀素爲邊人信故爾命事平加太子太保詳南京都察院左都御史

王越字世昌直隸濟縣人景泰辛未進士成化十七年八月以威寧伯兼左都御史赴宣府調度擊賊十二月命鎮守太同仍以太監汪直提督各邊軍馬防守詳都察院左都

余子俊字士英四川青神縣人景泰辛未進士成化十八年以戶部尚書兼左副都御史提督宣大軍務兼理邊儲禦北虜亦

思焉以宣大切近京師做陝西所已行邊墻爲之竟爲忌者所沮不克成二十二年召改兵部尚書詳兵部

劉大夏字時雍湖廣華容縣人天順中申進士弘治十年以戶部左侍郎兼左僉都御史總督軍餉瀕行周司徒經曰邊土糧草半屬京貴子弟公素不與此輩合此行所謂剛取禍矣大夏曰處天下事以理不以勢定天下事在近不在遠俟至彼圖之至邊召父老講究得其要領乃揭榜通衢其倉缺糧若干某場缺草若干每石每束給官價若干米自十石草自百束以上俱准告雖中貴子弟不禁不兩月倉場積蓄有餘蓋往時百千以上方准告故中貴家得收買轉市自此收市法行倉場有餘積

私家有餘財邊人云三十年僅見此耳十一年養病歸詳兵部

尚書

李介字守貞山東高密縣人成化己丑進士弘治元年以左僉都巡撫宣府二年回院十一年以兵部左侍郎兼左僉都御史經畧宣大介悉心邊務徧歷營壘勾稽世後募丁壯訓以待用大同也田歲給牛具銀實不爲官用而邊兵償死馬常苦撈掠乃請以給之人甚便請修大同察清爲禦侮計所上議前後不絕事未盡行而疾甚卒於宣府上遣官諭祭贈尚書詳兵部侍郎

許進字季升河南靈寶縣人成化丙戌進士弘治十三年以戶

部左侍郎兼左僉都御史提督宣大諸軍時總兵多帶貴游子
弟爲參隨進下令不許馳驛止日給行糧三升到鎮編入行伍
有買功并侵擾地方者以軍法從事近習乃競爲媒孽入大同
卽奏處糧芻簡關士馬屢出奇謀得級六十諸務方就緒以
參總兵官王翼平江伯陳鉞不與監督同取回京尋言官訕其
畏怯致仕詳吏部尚書

史琳字天瑞浙江餘姚縣人成化丙戌進士弘治十四年以右
都御史提督軍務虜退還流院事是歲虜復寇榆林假琳重權
率偏師先往琳乘機進戰屢有斬獲及保國公朱暉至遂協謀
直擄虜巢毀其虛帳而還事聞 聖書褒美有銀幣寶鐘之賜

師還陳邊務十三事十八年宣府遊兵失利上遽命琳出援於是琳出宣府暉出大同合勢邀擊遂以捷奏上降璽書獎勵詳都察院右都

關仲字字

陝西隴州人成化乙未進士弘治十七年以兵

部右侍郎兼右僉都御史總督宣大軍餉時沿邊調集游民軍費不貲仲字酌盈濟虛未嘗告匱十八年事竣改兵部詳兵部尚書

劉字字志大河南鈞州人成化壬辰進士歷右副都御史弘治十八年吏部尚書馬文升以同鄉薦陞右都御史總督宣大劉大夏素薄之言其在大同私養官馬饋權貴上遣人察之以

養馬未送回奏太監李榮亦河南人解之得免究後上謂大
夏曰內閣嘗薦劉宇此小人也豈可用哉詳內閣

王儼字民望湖廣華容縣人成化己丑進士授主事弘治十二
年任巡撫山東右副都御史十八年以戶部左侍郎兼左僉都
御史督理宣大軍餉詳戶部侍郎

文貴字

湖廣湘鄉縣人遼東廣寧左屯衛籍成化乙未進

士二十三年任御史與姜洪各相糾劾內閣萬安劉吉俱不報
累官布政使弘治十七年陞右副都御史巡撫延綏貴不達大
體在鎮久後因災傷於中鹽商人擅改本色爲折色以致軍用
大窘有米珠芻桂之譏正德二年陞兵部右侍郎致仕三年起

兵部左侍郎兼左僉都御史提督宣大軍務 年閑任

叢蘭字廷秀山東文登縣人弘治庚戌進士正德八年以戶部右侍郎兼左僉都御史巡撫西路諸關兼督宣大軍餉九年陞右都御史總制宣大并山西偏頭寧武鴈門等關軍務至邊相地設險令內地居民各築堡人保如塞下賊管一深入蘭自駐陽和以當其衝分部諸將十七人伏要害遣諜者往來傳報或犄或角虜乃遁又據險邀之斬獲百有餘級虜酋傷右臂而馳捷聞 賜勅獎勵十年改督漕運詳請京工部尚書

陳天祥字元吉直隸吳江縣人弘治丙戌進士正德九年以都察院左僉都御史提督經理至則軍令一新虜聞風遠乃大修

有增置戍兵易將領事竣進左副都御史召還京詳都察院
副都

侯觀字

直隸雄縣人成化戊戌進士正德九年以戶部右

侍郎兼右僉都御史總督宣大十年回部詳總儲尚書

楊潭字

直隸新城縣人成化丁未進士正德十年以戶部

左侍郎兼左僉都御史總督宣大軍務詳戶部尚書

丁鳳字

直隸保定府蠡縣人成化丁未進士弘治

十八年陞南京鴻臚寺卿正德五年陞應天府尹木

年陞總督儲右副都御史七年改通政使九年陞兵部右侍

郎十一年以原官兼右僉都御史總督宣大軍務六月虜寇大

同鳳同總兵劉暉帥師却之七月復寇宣府鳳調兵却之十二年回籍

鄭宗仁字



直隸任丘縣人成化丁未進士正德十二年以

戶部右侍郎兼右僉都御史總督宣大軍餉十三年回部詳總督戶部尚書

馮清字



順天府宛平縣人弘治癸丑進士正德七年以右

僉都御史巡撫寧夏九年陞戶部右侍郎兼左僉都御史督理陝西糧餉十一月清奏改西安延綏慶陽等府糧草皆徵折色下部議從之初戶部尚書葉淇首變中鹽本色爲折銀致米珠草桂之譴至是清奏而王瓊從之邊用愈窘矣十年陞巡撫陝

西兼理糧餉時邊餉緊急奏將正德七年至元年停止引鹽與
新引兼放所收銀兩輪年解發延綏寧夏甘肅買馬糴糧俱允
行之糧賴以集但性員通善附權勢十六年陞刑部右侍郎十
三年陞兵部左侍郎兼左僉都御史總督宣大軍務十五年閑
住

孟鳳字瑞周山東曲阜縣人正德十六年以刑部右侍郎兼左
僉都御史提督宣大三關等處軍務鳳恐邊儲馬匹不足以濟
具疏陳請 上嘉納之給以內帑鳳至選將領作士氣明賞罰
謹烽堠虜聞一人雨雹交作挫衄而去鳳曰此天威也有執遊
僧乞丐爲奸細希功者力辨於朝得全活嘉靖二年轉左詳南

京刑部尚書

劉源清字

山東兗州府東平州人正德甲戌進士十四年

任江西進賢知縣六月聞逆濠反城守執所遣親屬婁伯殺之十六年以平濠功陞大理寺丞嘉靖元年轉左二年養病六年以左僉都御史巡撫宣府十年陞兵部左侍郎兼右僉都總督宣大軍務十三年以叛軍謫爲民

國朝列卿紀卷之一百二十三終

國朝列卿紀卷之一百二十四

柱國少傅兼太子太傅工部尚書豐城

提督應安等府學校監察御史同邑徐

巡撫宜府兼理軍務

宜府古幽并之地在戰國爲燕趙地秦爲上谷郡漢唐以來皆
領屬縣石晉時沒於契丹轉而爲金終宋之世不入中國元累
改爲順寧府我國家混一疆宇盡徙其民於關內乃爲曠墟
洪武初發兵營屯二十五里中始立宜寧衛以爲三衛遺
將帥兵以鎮之癸酉又命谷王來治而得外衛之意益嚴
矣迨文廟靖難王遣城還京於是仁廟勅諭外衛遺將臣大

防邊防命永寧白潭廣佩鎮朔將軍印充統兵官來鎮慈土修營壘繕甲兵築長城嚴斥堠二十年間邊燧不興兵民安於無事至宣德五年又設立萬全都司統轄官府萬全懷來蔚州保安懷安涼寧龍門開平等一十九衛所而內屬於後軍都督府控地東西千餘里至正統元年又命內臺奉 聖書出巡塞北凡兵民安否糧芻盈耗邊備弛張刑獄清濫并聽釐而正之故巡撫之設自范陽李儀受命以至於今其間僨事者容亦有之而輸忠贊畫以嚴巡徼代不乏人然則解翰之責是寧無賴乎哉殷鑑不遠往事可師因採撫諸公宦履詳著於後其行實見於事紀其勲德茂著者表爲列傳

國朝列卿紀卷之一百二十四

柱國少傅兼太子太傅工部尚書豐城雷 禮纂輯

提督應安等府學校監察御史同邑徐 鑒校梓

勅使宣府年表

胡汝礪 陝西寧夏衛人正德三年以戶部右侍郎董宣府
邊務四年以兵部左侍郎兼僉都指揮宣府屯田

巡撫宣府左右副僉都御史年表

李儀 順天涿州人永樂中擢舉正統元年以
右僉都御史巡撫宣大二年勅遣奉

盧睿 浙江東陽人進士正統二年以右僉都
御史任四年陞右副都御史出鎮寧夏

羅亨信 廣東東莞人進士正統五年以右僉都巡撫宣大二
年陞右副都以功轉左副都乃任景泰元年致仕

任寧 陝西臨潼人進士景泰元年以都察院
右僉都御史兼宣大二年被勅去任

劉 璉

直隸崑山人江寧籍進士景泰二年以戶部左侍郎總督邊儲兼巡撫宣府參贊軍務本年致仕

李 秉

山東曹縣人進士景泰二年以右僉都御史專撫宣府提督軍務兼理邊障天順元年裁革

王 宇

河南祥符人進士天順二年以左僉都御史巡撫宣府三年命兼撫大同四年丁憂

韓 雍

直隸長洲人進士天順三年以右僉都御史巡撫宣府七年遷兵部右侍郎

李 匡

浙江黃巖人進士歷左僉都御史巡撫四川事罷天順七年起原職專撫宣府八年致仕

李 秉

見前天順八年以右副都御史巡撫宣府本年掌院事

葉 盛

直隸崑山人進士天順八年以左僉都御史巡撫宣府

王 越

直隸濟縣人進士成化五年以右僉都御史巡撫宣府六年出鎮延

鄭 寧

河南祥符人進士成化六年以左僉都御史巡撫宣府本年致仕

林 聰

福建寧德人進士成化七年以右都御史巡撫宣府八年致仕

張

謙 順天涿州人進士成化八年
以右副都御史巡撫宣大

以後宣府專設

張

頤 山西太原左衛人進士成化十
四年以右僉都御史巡撫宣府

郭

鐘 山東恩縣人進士成化十
七年以右僉都御史任

秦

絃 山東單縣人進士成化十七年以
右僉都御史任二十年遷撫河南

李

岳 直隸長垣人景泰甲戌進士成化二十一年
以右副都御史任二十一年忤巨璫罷官

張

錦 陝西岷州衛人進士成化二
十二年以右副都御史任

李

介 山東高密人進士弘治元年以
左僉都御史任二年回都察院

強

珎 直隸滄州人成化丙戌進士弘治二
年以左僉都御史任三年卒於官

王

繼 河南祥符人進士弘治三年以
右副都御史任本年改撫甘肅

楊謚 河南儀封人進士弘治三年
以左僉都御史任七年回院

陳紀 福建閩縣人進士弘治
七年以右僉都御史任

馬中錫 直隸故城人進士弘治九年以
右副都御史任十二年養病

雍泰 陝西咸寧人進士弘治十二年
以右副都御史任十四年開任

張縉 山西陽曲人進士弘治十
四年以右副都御史任

劉聰 順天薊州人成化戊戌進士弘治十五
年以右副都御史任十七年謫官乞致仕

李進 山西曲沃人成化己丑進士弘治十七年
以右副都御史任正德元年病回籍

張鵬 山東歷城人進士正德元年以右僉都
御史任本年遷都察院左副都御史

車霆 山西石州人成化辛丑進士正德
元年以右僉都御史任二年致仕

劉璟 河南鄆陵人進士正德
二年以右副都御史任

鄧璋

順天涿州人進士正德三年以左僉都御史任

陸完

直隸長洲人進士正德三年以右僉都御史任

馬炳然

四川內江人進士正德四年以左僉都御史任

楊綸

陝西安化人進士正德四年以左僉都御史任

楊武

陝西岐山人弘治丙辰進士正德五年以左僉都御史任六年致仕

燕忠

順天薊州人進士正德六年以右副都御史任

趙璜

江西安福人進士正德六年以右僉都御史任

王雲鳳

山西和順人成化甲辰進士正德七年以右僉都御史任八年致仕十年起清理兩浙鹽法未任

孟春

山西澤州人進士正德八年以右僉都御史任十一年降陝西參議

張禮

順天平谷人進士正德九年以右僉都御史任十年丁憂後起撫山西

王純

浙江慈谿人弘治癸丑進士正德十年以左僉都御史任十一年致仕卒

劉達

山東濱州人進士正德十一年以左僉都御史任十三年加左副都仍前任

甯雲泉

山東蓬萊人遠東海州衛籍弘治丙辰進士正德十四年以右僉都御史任十六年繫獄

李鐸

山東萊陽人進士正德十六年以右僉都御史任

寇天叙

山東榆次人正德戊辰進士嘉靖三年以右僉都御史任本年改撫鄆陽

張縉

四川巴縣人正德戊辰進士嘉靖三年以右僉都御史任

周金

直隸武進人正德戊辰進士嘉靖四年以右僉都御史任本年加右副都御史六年致仕

劉源清

山東東平人正德甲戌進士嘉靖六年以左僉都御史任詳總督宣

韓邦奇

陝西朝邑人正德戊辰進士嘉靖七年以左僉都御史任本年回都察院

路迎

山東汶上人正德戊辰進士嘉靖十三年以右僉都御史任

郭登庸

山西山陰人正德甲戌進士嘉靖十五年以右僉都御史任十八年改撫陝西未任卒

楚書

直隸江都人寧夏左衛籍嘉靖癸未進士十八年以右僉都御史任二十一年回籍聽用

王儀

順天文安人嘉靖癸未進士二十一年以右僉都御史任二十三年加右副都御史巡撫二十四年考劾降一級

孫錦

陝西綏德人嘉靖己丑進士二十四年以右僉都御史任二十七年開任

郭宗舉

山東登州衛人嘉靖己丑進士二十八年以右僉都御史任

李良

山東長清人嘉靖己丑進士二十八年以右僉都御史任二十九年開任

劉璽

直隸唐縣人山東濟州衛籍嘉靖壬辰進士二十九年以右僉都御史任三十二年總降歷山東按察使

劉廷臣

山西洪洞人嘉靖戊戌進士三十二年以右僉都御史任三十四年以病回籍

張煥

直隸定州人嘉靖戊戌進士三十四年以右僉都御史任三十五年聽賜

張鎬

直隸定興人嘉靖戊戌進士三十六年以右僉都御史任三十七年開任

原籍及別名
六頁五十一

何思 直隸懷慶府人 嘉靖壬辰進士三十七年以右僉都御史任三十八年養病

遼鳳翔 山東臨沂人 嘉靖甲辰進士三十八年以右僉都御史任四十年下獄後復起歸陽

趙孔昭 直隸邢臺人 嘉靖甲辰進士四十二年以右僉都御史任四十二年養病

楊巍 山東海豐人 嘉靖丁未進士四十二年以右僉都御史任四十二年養病後起撫陝西

李秋 順天薊州人 嘉靖丁未進士四十二年以右僉都御史任四十五年同籍

冀鍊 山東益都人 嘉靖甲辰進士四十五年以右僉都御史巡撫河南陝西

王遴 順天霸州人 嘉靖丁未進士隆慶二年以右僉都御史

孟重 陝西渭南人 嘉靖癸丑進士隆慶三年以右僉都御史任

吳允 浙江山陰人 嘉靖己未進士隆慶五年以右僉都御史任萬曆二年陞右副都御史

右僉都御史仍巡撫五年以原官總督宣大山西軍務

王一鶚

南隸曲周人嘉靖癸丑進士
萬曆五年以右副都御史任

張佳胤

四川銅梁人嘉靖庚戌進士
萬曆七年以右副都御史任

蕭大亨

山東泰安人嘉靖壬戌進士萬曆九年由寧夏改任十
年加右副都十二年加兵右侍郎十五年改理戎政

許守謙

直隸藁城人嘉靖乙丑進士萬曆十五年由
山西巡撫右副都改任十月陞兵部右侍郎

郭四維

山東夏津人隆慶戊辰進士萬曆十
七年由密雲按察使陞右僉都任

勅使宣府行實

胡汝礪字良弼陝西寧夏衛人正德三年以順天府尹陞戶部右侍郎董宣府邊務尋改兵部左侍郎兼僉都仍蒞邊政拓宣府屯田以增出地畝進兵部尚書未任詳兵部尚書

巡撫宣府都御史行實

李儀字順天府涿州人宣德間以薦舉授戶部主事遷九江知府綽有惠愛百姓懷之正統元年特設宣大巡撫以都察院右僉都御史任軍民相安權要欽避二年被逮卒

盧睿字仲思浙江金華府東陽縣人永樂辛丑進士擢廣東道御史正統二年以都察院右僉都御史巡撫宣大至則嚴法令

刻蠶弊節浮費廣儲蓄摧強撫弱人賴以安時北虜入貢勢頗張上疏言馭戎之道在恩威相濟欲修武備以防不虞識者是之四年陞右副都御史出鎮寧夏巡撫

羅亨信字用實廣東廣州府東莞縣人永樂癸未領鄉薦明年甲申登進士改翰林院庶吉士是年五月授工科給事中往浙江視水災奏免嘉興海鹽崇德三縣稅糧以蘇民困丁繼母憂起復調吏科陞右給事中坐累謫戍陞公素位而行雖遠在荒服亦怡然自得未嘗有憂苦無聊之嘆因自號安素久之用薦起拜監察御史嘗命往通州察倉庾之弊巡按真定等府清軍山西所至有聲再丁繼母何氏憂命馳驛奔喪卽起復大臣有

言公堪任方面者 詔復舊任食按察司僉事俸宣德乙卯陞
右僉都御史命往平涼等處練兵以備邊塞公殫心力夙夜不
懈 皇上念邊境苦寒降勅勉勞公益感奮正統丙辰與都督
趙安率師巡邊戊午丁外艱奪情視事明年殄虜功成公陞俸
一級賜紵絲四表重白金二十兩始命馳驛歸葬父畢事還京
奉 勅巡撫大同宣府并督屯種給贖軍餉興利除害爲久安
計公悉心國事勞來措置無不得宜言聽計行信任惟允公在
邊年久諳於地利之宜戰守之法轉輸之方每有建白無不嘉
納己巳秋北虜入寇京師 廷議召宣府總戎入衛衆紛然欲
遂棄其城時公巡撫其地遂挺然仗劍當門止之衆遂定是年

九月轉陞左副都御史賜白金二十兩紵絲二表裏是時公年七十且有疾上章乞致仕越八年以壽終

任寧字

陝西西安府臨潼縣人正統壬戌進士景泰元年

任都察院右僉都御史巡撫宣府大同二年劾去任

劉璉字廷璋直隸崑山人永樂壬辰進士任陝西道監察御史陞山西布政司右叅政洪熙九年叅贊宣府軍務宣德十年兼

督邊儲陞戶部右侍郎尋轉左侍郎仍兼巡撫累降勅獎有

秉公正之心勵廉潔之行動謹詳明夙夜無懈之語璉公勸廉

謹人不敢干以私在邊數年終始如一日其後都御史李秉督

邊儲悉依璉法景泰二年致仕卒於通州不能歸遂卹其地葬

焉天順三年葉文莊公盛參政山西奏璉在邊年久保障有功乞恩褒恤於是朝廷遣官諭祭

李秉字執中山東曹縣人正統間成進士任戶部郎中景泰二年以薦陞右僉都御史撫宣府提督軍務兼理邊儲秉請銀三萬兩買牛給貧乏軍民秋成償其值上允之軍民樂業且奏都督紀廣叅將楊能怠忽邊備能亦誣秉不法上從科道言命科道往勘果誣切責能等復奏准軍士四口同居者許支一石之例汰尼僧以配軍士止擊達寇之近邊牧者奏都督過與怯懦及都指揮王良等陞官賣宅之罪上切責之虜以剽掠男婦易米朝議大口一石小口五斗虜不從秉令俱與一石總兵

以爲礙例秉曰何忍使赤子爲夷虜耶專擅罪爲任之及其聞
上尤不究奏罷叅將孫安江福以指揮周賢張林代衆稱得人常
陳邊務十四事 上悉行之數年邊境無虞軍民賴之天順元
年遷撫應天戊寅改大同坐誣除名赴南院甲申陞右副都
再撫宣府越兩月擢左都掌院詳吏部尚書

王宇字仲宏河南祥符縣人正統己未進士授南院戶部主事
以才能陞撫州知府天順元年廷舉陞山東右布政二年陞左
副都御史巡撫宣府至則洗刷積弊董振戎務一切便宜處之
革弊除奸士卒咸慕權貴多不悅之賴上知譖毀不行三年

命兼撫大同石亨與姪彪恃寵恣肆以大同舊鎮之地奪取尤橫

宇刻之爲大姦大蠹聞者嘆服四年丁憂詳大理寺
韓雍字永熙直隸長洲縣人正統壬戌進士拜湖廣道御史按
治江西大有名聲陞廣東副使以薦陞右僉都撫江西坐累致
仕天順二年起大理少卿復右僉都理院事是冬 勅巡撫宣
大至則恤軍士繕城堡糾治貪蠹有古守邊者風四年丁憂詳
兩廣

李匡字存翼浙江黃巖縣人天資才識機敏宣德丁未進士授
太常寺博士選監察御史歷按陝西江西地方正統十年陞四
川兵備副使十四年平播州蠻寇以功陞都察院左僉都御史
巡撫四川地方本年以事罷天順七年起原職專撫宣府地方

匡精力尤壯志謀益深親歷邊陲增築寨堡復還屯種斥堠崇
密雞犬相聞狐兔罔入八年致仕詳四川巡撫

葉盛字與中直隸蘇州府崑山縣人天順八年以巡撫兩廣改
左僉都御史巡撫宣府修復官牛官田之法墾田益廣積糧益
多以其餘歲易補戰馬千八百餘匹其屯堡廢缺者力修築之
不數月完七百餘所兵民雖始怨之旣而恃以無恐乃欣戴焉
在宣府屢有建白且請行養老之於邊褒恤已往賢臣爲方
來勸上嘉納之成化三年遷禮部右侍郎歷吏部左侍郎詳
吏部

王誠字世昌直隸大名府濟縣人景泰辛未進士成化五年以

右副都御史巡撫宣大六年出鎮延綏歷左右都御史兵部尚書兼左都御史掌院事命總督宣大軍務以功封威寧伯後爲民再起總制三邊軍務詳三邊總制

鄭寧字

河南開封府祥符人正統壬戌進士歷四川左布

政使成化二年陞太僕寺卿六年以左僉都御史巡撫宣大本年閑任

林聰字季聰福建寧德人正統己未進士成化七年以右都御史撫宣大號令明肅勸懲有法八年致仕詳刑部尚書

殷謙字文搗順天府涿州人正統戊午舉順天第一登己未進士授戶部主事陞兵部司郎中景泰三年陞通政司右通

攻天順元年調汝寧府知府六年丁憂成化二年復起補太原府知府寬猛得中晉人宜之尋陞陝西左叅政四年調山西五年陞山西右布政七年陞山東左布政八年陞都察院右副都御史巡撫宣府大同十年命專撫宣府十三年陞戶部右侍郎詳戶部尚書

張願字養正山西太原左衛人天順庚辰進士授翰林檢討成化十四年以右僉都御史任十六年遷工部右侍郎詳工部

郭鏗字

山東東昌府恩縣人成化丙戌進士歷兵科都給

事中十七年以右僉都御史任本年改撫大同詳大同巡撫
秦紘字世纓山東兗州府單縣人景泰辛未進士成化十七年

以右僉都御史任兼理山西日夕講求邊務謹圻堠明烽火養
威蓄銳邊境無虞二十年遷理院事左僉都歷戶部右侍郎降
廣西叅政後起總督漕運歷戶部尚書詳戶部

李岳宇

直隸大名府長垣縣人景泰甲申進士授戶部主

事歷郎中成化十一年陞山西右叅政十年陞本司右布政
使二十一年陞都察院右副都御史任前職二十二年忤巨璫
罷官

張錦字尚綱陝西岷州衛人成化己丑進士授刑部山東司主
事歷大理寺左少卿二十二年以右副都御史任弘治七年丁
憂十四年補原職撫保定遷刑部左侍郎詳刑部

李介字守正山東萊州府高密縣人成化己丑進士歷大理寺左少卿弘治元年以左僉都御史任閱兵馬畜芻粟邊圉以寧三年回都察院歷兵部左右侍郎總制宣大邊務詳宣大總制強珍字直隸河間府滄州人成化丙戌進士授溧陽知縣行取擢監察御史忤權璽謫戍遼陽起陞山東副使弘治元年陞大理寺左少卿二年陞都察院左僉都御史巡撫宣府三年卒於官珍有直節不究其用人多惜之

王繼字述之河南開封府祥符縣人弘治三年以巡撫福建右副都御史改任本年改撫甘肅歷南京兵部尚書詳南京兵部楊謚字文寧河南開封府儀封縣人弘治三年以左僉都御史

任蒞政勤慎嚴以繩下復團種之制革馬政之弊所著有師律
提綱馬政條約邊人賴之七年回院歷左副都御史兵部右侍
郎詳兵部

陳紀字

福建福州府閩縣人成化己丑進士弘治七年以

右僉都御史任九年回院陞右副都御史詳都察院

馬中錫字天祿直隸河間府故城縣人弘治九年以右副都御
史任首革私役雜匠及嚴禁例杜請託凡芻糧工匠馬匹之例
爲勢家所占悉歸之官令往來居住者於撫臺掛號以防奸僞
十二年養病後起遼東巡撫歷都察院左右都御史征剿流賊
詳都察院

雍泰字世隆陝西西安府咸寧縣人成化己丑進士授吳縣知縣擢御史陞南陽知府遷山西副使進按察使浙江布政使弘治十二年以右副都御史任士民祇畏邊陲宴安叅將李傑爲輔臣李東陽姪恃援橫作不法泰令縛下以大挺杖之三軍股栗由是被譖十四年閑任後起提督操江歷南京戶部尚書詳南京兵部

張縉字朝用山西太原府陽曲縣人成化己丑進士累官巡撫保定右僉都弘治十四年以右副都御史任虜人奮擊屢有斬獲之功本年遷總督漕運歷戶部左侍郎南京戶部尚書詳南

京戶部

劉聰字

順天府薊州衛人成化戊戌進士授太平推官

兵科給事中歷兵科都給事中弘治年陞湖廣左叅政六年陞山東右布政使九年陞山東左布政使十五年陞都察院右副都御史巡撫宣府十七年謫官乞致仕

李進字

山西平陽府曲沃縣人成化己丑進士授戶部主

事歷員外郎郎中二十年陞廣平知府二十三年丁憂弘治三年補濟南知府七年陞四川右叅政十年陞江西右布政使十四年陞河南左布政使十七年陞都察院右副都御史巡撫宣府正德元年養病歸籍

張雋字

山東濟南府歷城縣人成化乙未進士授廬陵知

縣歷河南左叅政正德元年以右僉都御史任本年遷都察院左副都御史任南京都察院右都御史詳南京都察院

車寔字

山西太原府石州太成化辛丑進士正德元年任

都察院右僉都御史任前職二年致仕

劉璟字

河南開封府鄆陵縣人成化乙未進士授刑部主

事正德二年以山東左布政陞右副都御史任本年遷刑部右侍郎歷左侍郎詳刑部尚書

鄧璋字禮方順天府涿州人成化丁未進士累官巡撫遼東右

僉都正德三年以左僉都御史任六年遷右副都御史巡撫河

南歷南京戶部尚書詳南京戶部

陸完字全卿直隸蘇州府長洲縣人正德三年由江西按察使陞右僉都御史任四年逆瑾見其言動遲緩遷南院吏部尚書詳吏部

馬炳然字

四川成都府內江縣人成化辛丑進士正德四

年以左僉都御史任本年遷撫寧夏右副都御史丁憂起總督南京糧儲詳南京總督糧儲

楊綸字

陝西慶陽府安化縣人成化甲辰進士正德四年

以左僉都御史任五年閑住六年起都察院右副都御史詳都察院

楊武字

陝西鳳翔府岐山縣人弘治丙辰進士任御史正

德四年 命清理各邊屯田及追完積逋五年陞大理寺左寺丞本年陞都察院左僉都御史巡撫宣府六年致仕

燕忠字良臣順天府薊州人成化甲辰進士授常州府推官正德六年由陝西左布政陞右副都御史任本年遷大理寺卿詳大理寺

趙璜字庭實江西吉安府安福縣人弘治庚戌進士授工部都水主事歷順天府丞正德六年以右僉都御史任權貴攬納軍儲事發奏逮數百人璜鞫之正犯置諸法逮者皆釋七年遷撫山東右副都御史歷總理河道改飭順天等府武備進工部左右侍郎尚書詳工部

王雲鳳太司徒佐子字應韶山西遼州和順縣人成化甲辰進士觀政禮部知同榜蔡清學願執弟子禮常處署中朗聲誦讀不輟授禮部主事歷員外郎陞祠祭郎中弘治十年五月因風霾踰旬陳脩德弭災急務大意納忠言罷左道齋醮傳辦傳奉諸事上納之十月上疏乞斬佞豎李廣以弭災變不報廣怒令道士魘呪不驗又令校尉數伺其短欲中傷之十一月聖駕郊天看牲回廣誣雲鳳當駕騎馬下獄謫知河南陝州十四年陞陝西提學副使設四科取士取人首名節次文詞斥遠貪殘之徒進拔中正之士禁止僧道師巫學政嚴厲士初不堪而終直其法士皆興起正德三年陞山東按察使四年九月尚書

張綵以人望召爲國子祭酒始欲堅辭及有遺書言執政者誦太祖寔中士夫不爲君用當殺身滅家語於是父佐曰吾老矣汝置我何處死乎不得已泣而就道至無所餽瑾怒欲重以禍不能得而罷時國學校廢以十有七約示諸生約束太嚴雖誹謗不爲動坐定言動皆不苟六館士卒感服上言放回依親減歷之非從之五年回籍七年陞都察院右僉都御史巡撫宣府八年致仕爲人廉靖剛方言動不苟處私室如在公門暇則以史冊爲師當事無急避與人交侃侃正誼有壁立千仞之意爲巡撫俯躬延訪爲民造福祝官如傳舍云

孟春字

山西澤州人弘治丙辰進士任浙江嚴州知府正

德三年陞太僕寺少卿正德八年以右僉都御史任十一年降陝西叅議歷右叅政應天府尹順天巡撫戶部吏部左右侍郎
詳吏部

張禕字

順天府平谷縣人弘治壬戌進士正德六年任大

理寺左寺丞提督四夷館七年陞大理寺右少卿本年轉左九年以右僉都御史任十年丁憂十四年起撫山西詳山西巡撫王純字希文宋太子詹事梅溪先生之裔成化癸卯領浙江鄉薦弘治癸丑登進士第授南京大理寺右評寺累陞左寺正戊午 詔大臣各舉堪任藩臬者吏部侍郎碧川楊公舉公才識通敏論讞詳明遂陞江西按察司僉事撫流移減徵科禁豪猾

雪冤滯凡職所當爲者咸盡其力先是瑞州羣盜竊發公奉

勅領兵備殄滅巨魁屢有白金綵幣之賜丁卯六載考績陞河南

按察司副使領勅兵備潁州兼理淮楊諸府屯田未幾改廣

東隨丁外艱是時逆瑾權要憾公無所結納罰米幾千石稱貸

間關輸於邊辛未服闋改雲南金齒兵備興利刻幣允宜土俗

諸夷咸畏慕之壬申陞大理寺右少卿時雲南副使晁必登陝

西御史劉天和爲權倖所中傷公力辨之得釋山東歸善王犯

法詔公往鞫之同事者欲張大其事公不可惟執首惡數人

以歸民用弗擾甚稱上意錫勞稠疊八年陞左少卿十年陞

都察院左僉都御史巡撫宣府宣府密邇京師視諸鎮最爲要

衝公至夙夜籌畫百廢具舉輟京軍以省冗費布宿將以守險
隘壯赤城之兵增龍門之戍納降却虜出奇設伏具有成筭
義屢建 上皆嘉納之公在邊多斬獲功一賜寶香兩賜豸服

又特賜麒麟服實異數也嘗有 旨欲於宣府有所營建公懼
傷民力上疏方止之不報會有疾遂乞休得 旨歸卽杜門養

靜不復談時事旣而疾革惟曰吾用世之志已矣奈違太孺人
之養何言訖而終公長身偉貌敦朴徑直出於天畀自筮仕來
敷歷中外餘二十年清白自持不苟取與遇匪人雖不少假借
而揚善隱惡之意恒惓惓焉在法曹久於律例甚精迎刃而解
潦窠多推讓之爲詩文尚典雅有集若干卷藏於官享年五十

有六

劉達字

山東濟南府濱州人弘治己未進士授刑部主事

十七年選通政右叅議正德三年轉左五年轉右通政歷左通政十一年以右僉都御史任十三年加左副都御史十四年改撫順天詳順天巡撫

甯杲字

山東登州府蓬萊縣人遼東海州衛籍弘治丙辰

進士授行人

年擢

道監察御史正德四年任大理寺左

寺丞會盜起命往真定等處捕盜奏立什伍連坐之法捕獲無虛日每械賊入城鼓吹前導金鼓之聲彌月不絕由是奸人無所容盜賊日多內官張忠姪張茂爲寫王杲親捕之啖其心陞

大理右寺丞五年以捕盜功陞都察院右僉都御史仍專督捕盜本年以激賊下獄六年再起捕盜尋改巡撫保定等處八年免十四年再起都察院右僉都御史撫宣府十六年繫問論死嘉靖元年三月在獄以病聞得 旨免死發戍雷州衛都御史金獻民執奏請如原擬 上竟宥之

李鐸字

山東兗州府萊陽縣人弘治壬戌進士授行人歷

大理寺左少卿正德十六年以右僉都御史任嘉靖元年宣大連歲饑荒缺食一軍鼓噪求糧幾至為變鐸上其狀部議於二鎮量增月糧折色每石一兩按月支給候麥熟停止從之三年遷撫大同詳大同巡撫

寇天叙字子惇山西太原府榆次縣人正統戊辰進士歷應天府丞嘉靖三年以右僉都御史任會有警急難以至本年改撫鄖陽

張縉字

四川重慶府巴縣人嘉靖三年由大理寺左少卿

陞右僉都御史任四年遷撫延綏詳延綏巡撫

周金字

直隸常州府武進縣人正統戊辰進士嘉靖四年

以巡撫延綏右僉都御史改任本年加右副都御史仍前任六年致仕後起撫保定歷兵部右侍郎總漕左右都御史南京刑部尚書

劉源清字

山東兗州府東平州人正德甲戌進士任進賢

縣知縣十六年陞大理寺右寺丞嘉靖元年轉左二年養病六年以左僉都御史任十一年陞兵部左侍郎兼僉都御史總制宣大軍務詳宣大總制

韓邦奇字

陝西平安府朝邑縣人嘉靖十二年以左僉都

御史任本年回院歷右副都御史命撫遼東未任改撫山西致仕後起總理河道歷都右侍郎

路迎字

山東兗州府汶上縣人正德戊辰進士嘉靖十三

年以右僉都御史任十五年回院改撫鄭陽十七年陞巡撫山西有副都歷陝西巡撫兵部右侍郎詳兵部

郭登庸字自微山西大同府山陰縣人正德丙戌進士授行人

國朝通志卷之四十四
四子
接喪守制十六年起補原職嘉靖元年擢陝西道監察御史十
年陞湖廣提學副使十二年陞應天府丞十四年改順天府丞
十五年陞都察院右僉都御史撫宣府十八年改撫陝西未任
卒

楚書字國寶直隸揚州府江都縣人與夏左屯衛籍嘉靖癸未
進士授寶坻知縣四年改餘姚五年丁憂八年補曲沃九年陞
兵部職方司主事十一年陞尚寶司丞十三年陞尚寶司少卿
十七年陞太僕寺少卿十八年陞都察院右僉都御史撫宣府
二十一年歸籍聽用

王儀字克敬順天府文安縣人嘉靖癸未進士除靈璧縣知縣

五年調

縣知縣七年擢貴州道監察御史十一年陞蘇州

府知府十二年爲民十四年起撫州府知府本年仍調蘇州府
十七年陞浙江副使二十年陞山西右叅政二十一年陞都察
院右僉都御史巡撫宣府地方贊理軍務二十二年陞右副都
御史仍舊巡撫二十四年考劾降一級

孫錦字

陝西綏德人嘉靖丙戌進士二十四年以右僉都

御史任二十七年閑任

郭宗臯字君弼山東登州衛人嘉靖己丑進士二十八年以右
僉都御史任本年陞右副都御史總督宣大軍務詳南京兵部
尚書

李良字遂甫山東濟南府長清縣人嘉靖己丑進士二十八年
以右僉都御史任二十九年閑任

劉璽字國符山東濟州衛籍直隸保定府唐縣人嘉靖壬辰進
士授戶部主事十年陞刑部員外郎十年陞戶部郎中十
年陞衛輝府知府丁憂年復除濟南府二十年陞山西
副使轉右叅政二十年陞山東按察使二十九年陞右僉都
御史撫宣府三十一年降山東左叅政轉按察使